


丑

劉向列女傳

三



新刻古列女傳卷之四

目錄

貞順

- | | |
|---|------|
| 一 | 召南申女 |
| 二 | 宋恭伯姬 |
| 三 | 衛宣夫人 |
| 四 | 蔡人妻 |
| 五 | 黎莊夫人 |
| 六 | 齊孝孟姬 |
| 七 | 息君夫人 |



八	齊杞梁妻
九	楚平伯羸
十	楚昭貞姜
十一	楚白貞姬
十二	衛宗二順
十三	魯寡陶嬰
十四	梁寡高行
十五	陳寡孝婦

新刻古列女傳卷之五

目錄

節義

一	魯孝義保
二	楚成鄭瞽
三	晉圍懷羸
四	楚昭越姬
五	蓋將妻
六	魯義姑姊
七	代趙夫人

八	齊羨繼母
九	魯秋潔婦
十	周主忠妾
十一	魏節乳母
十二	梁節姑姊
十三	珠厓二券
十四	邵陽友姊
十五	京師節女



新刻古列女傳卷之四

漢 光祿大夫劉向子政 撰
明 錢唐後學胡文煥德甫校

貞順傳

召南申女

召南申女者申人之女也既許嫁于鄭夫家禮不備而歡迎之女與其人言以為夫婦者人倫之始也不可不正傳曰正其本則萬物理失之毫釐差之千里是以本立而道生源潔而流清故嫁娶者所以傳重承業繼續先祖為宗廟主也夫家輕禮違制不可以


行遂不肯往夫家訟之于理致之于獄女終以一物不具一禮不備守節持義必死不往而作詩曰雖速我獄室家不足言夫家之禮不備是也君子以為潔婦道之儀故舉而揚之傳而法之以絕無禮之求防淫慾之行焉詩曰雖速我訟不女從此之謂也

頌曰

召南申女 貞一脩容 夫禮不備 終不肯從
要以必死 遂至獄訟 作詩明意 後世稱誦

宋恭伯姬

伯姬者魯宣公之女成公之妹也其母曰繆姜嫁伯姬于宋恭公恭公不親迎伯姬迫于父母之命而行既入宋三月廟見當行夫婦之道伯姬以恭公不親迎故不肯聽命宋人告魯魯使大夫季文子如宋致命于伯姬還復命公享之繆姜出于房再拜曰大夫勤勞于遠道辱送小子不忘先君以及後嗣使下而有知先君猶有望也敢再拜大夫之辱伯姬既嫁于恭公十年恭公卒伯姬寡至景公時伯姬嘗遇夜失火左右曰夫人少避火伯姬曰婦人之義保傳不俱



夜不下堂待保傳來也保母至矣傳母未至也左右
又曰夫人少避火伯姬曰婦人之義傳母不至夜不
可下堂越義而生不如守義而死遂逮于火而死春
秋詳錄其事為賢伯姬以為婦人以貞為行者也伯
姬之婦道盡矣當此之時諸侯聞之莫不悼痛以為
死者不可以生財物猶可復故相與聚會于澶淵償
宋之既喪春秋書之君子曰禮婦人不得傳母夜不
下堂行必以燭伯姬之謂也詩云淑慎爾止不愆于
儀伯姬可謂不失儀矣


頌曰

伯姬心專 守禮一意 宮夜失火 保傳不備
逮火而死 厥心靡悔 春秋賢之 詳錄其事



三 衛宣夫人

夫人者齊侯之女也嫁于衛至城門而衛君死保母
 曰可以還矣女不聽遂入持三年之喪畢弟立請曰
 衛小國也不容二虐請願同庖終不聽衛君使人懇
 于齊兄弟齊兄弟皆欲與君使人告女終不聽乃
 作詩曰我心匪石不可轉也我心匪席不可卷也厄
 窮而不潤勞辱而不苟然後能自致也言不失也然
 後可以濟難矣詩曰威儀棣棣不可選也言其左右
 無賢臣皆順其君之意也君子美其貞一故舉而列
 之于詩也



頌曰

蔣女嫁衛 厥至城門
 公薨不反 遂入三年
 後君欲同 女終不渾
 作詩譏刺 卒守死君


四 蔡人之妻

蔡人之妻者宋人之女也既嫁于蔡而夫有惡疾其
母將改嫁之女曰夫之不幸乃妾之不幸也奈何去
之適人之道一與之醜終身不改不幸遇惡疾不改
其意且夫采芣苢之草雖其真惡猶始于採采之
終于懷顧之浸以益親况于夫婦之道乎彼無大故
又不遺妾何以得去終不聽其母乃作芣苢之詩君
子曰宋女之意甚貞而一也

頌曰

之女專慤 持心不顧 夫有惡疾 意猶一精


母勸去歸 作詩不聽 詩人美之 以為順貞



五 黎莊夫人

黎莊夫人者衛侯之女黎莊公之夫人也既往而不
 回歆所務者異未嘗得見甚不得意其傳母聞夫人
 賢公反不納憐其失意又恐其已見遣而不以時去
 謂夫人曰夫婦之道有義則合無義則去今不得意
 胡不去乎乃作詩曰式微式微胡不歸夫人曰婦人
 之道一而已矣彼雖不吾以吾何可以離于婦道乎
 乃作詩曰微君之躬胡為乎中路終執貞一不違婦
 道以俟君命君子故序之以編詩

頌曰



黎莊夫人 執行不衰 莊公不偶 行節及年
 傳母勸去 作詩式微 夫人未止 終不肯歸

六 齊孝孟姬


孟姬者華氏之長女齊孝公之夫人也好禮貞一過時不嫁齊中求之禮不備終不往躡男席語不及外遠別避嫌齊中莫能備禮求焉齊國稱其貞孝公聞之乃脩禮親迎于華氏之室父母送孟姬不下堂母醮房之中結其衿縞戒之曰必敬必戒無違宮事父誠之東階之上曰必夙興夜寐無違命其有大妨于王命者亦勿從也諸母誠之兩階之間曰敬之敬之必終父母之命夙夜無怠爾之衿縞父母之言謂何姊妹誠之門內曰夙夜無怠爾之衿縞無怠父母

之言孝公親迎孟姬于其父母三顧而出親迎之綏自御輪三曲顧姬與遂納于宮三月廟見而後行未婦之道既居久之公遊于琅邪華孟姬從車奔姬隨車碎孝公使馱馬立車載姬以歸姬使侍御者舒帷以自障蔽而使傳母應使者曰妾聞妃后踰閭必乘安車鞞軒下堂則從傳母保阿進退則鳴玉環佩內飾則結紕網縷野處則惟裳擁蔽所以正心一意自歛制也今立車無軒非所受命也野處無衛非所敢久居也三者失禮多矣夫無禮而生不若早死使者馳以告公更取安車比其反也則自經矣傳母救

之不絕也傳母曰使者至輜軒已具姬氏蘇然後乘而歸君子謂孟姬好禮禮婦人出必輜軒衣服綢繆既嫁歸問女見弟不問男昆弟所以遠別也詩曰彼君子女綢直如髮此之謂也

頌曰

孟姬好禮 執節甚公 避嫌遠別 終不洽容
輦不並乘 非禮不從 君子嘉焉 自古寡同



息君夫人

夫人者息君之夫人也楚伐息破之虜其君使守門將妻其夫人而納之于宮楚王出遊夫人逐出見息君謂之曰人生要一死而已可至自苦妾無須更而息君也終不以身更貳醜生離于地上豈如死歸于地下哉乃作詩曰穀則異室死則同穴有如不信死如暵且息君止之夫人不聽遂自殺息君亦自殺同日俱死楚王賢其夫人守節有素乃以諸侯之禮合而葬之君子謂夫人說于行善故序之于詩夫義動君子利動小人息君夫人不為利動矣詩云德音莫


造及尔同死此之謂也

頌曰

楚虜息君 納其適妃 夫人持固 弥久不衰
作詩同穴 思故忘新 遂死不顧 列于貞賢

八 齊杞梁妻


齊杞梁殖之妻也。莊公襲莒殖戰而死。莊公歸遇其妻。使使者弔之。于路杞梁妻曰：「今殖有罪，君何辱命焉？若令殖免于罪，則賤妾有先人之弊廬在，下妾不得與郊甲。于是莊公乃還車，詣其室，成禮然後去。杞梁之妻無子，內外皆無五屬之親，既無所歸，乃枕其夫之屍于城下而哭。內誠動人，道路過者莫不為之揮涕。十日而城為之崩。既葬，曰：「吾何歸矣？夫夫婦人必有所倚者也。父在則倚父，夫在則倚夫，子在則倚子。今吾上則無父，中則無夫，下則無子，內無所依，以見



吾誠外無所倚以立吾節吾豈能更二哉亦死而已
遂赴淄水而死君子謂杞梁之妻貞而知禮詩云我
心傷悲聊與子同歸此之謂也

頌曰

杞梁戰死其妻以喪齊莊道弔避不敢當
哭夫于城成為之崩自以無親赴淄而薨



九 楚平伯嬴

伯嬴者秦穆公之女楚平王之夫人昭王之母也當昭王時楚與吳為伯莒之戰吳勝楚入至郢昭王亡吳王闔閭盡妻其後宮次至伯嬴伯嬴持刀曰妾聞天子者天下之表也公侯者一國之儀也天子失制則天下亂諸侯失節則其國危夫婦之道固人倫之始王教之端是以明王之制使男女不親授受坐不同席食不共器殊施枘異巾櫛所以遠之也若諸侯外淫者絕卿大夫外淫者放士庶人外淫者官割夫然者以為仁失可復以義義失可復以禮男女之失

亂亡興焉夫造亂亡之端公侯之所絕天子之所誅也今君王棄儀表之行縱亂亡之欲犯誅絕之事何以行令訓民且妾聞生而辱不若死而榮若使君王棄其儀表則無以臨國妾有淫端則無以生世一舉而兩辱妾以死守之不敢承命且凡所歆妾者為樂也近妾而死何樂之有如先殺妾又何益于君王于是吳王慙遂退舍伯嬴與其保阿閉永巷之門皆不釋兵三旬秦救至昭王乃復矣君子謂伯嬴勇而精一詩曰莫葛纍施于條枚豈弟君子求福不回此之謂也



頌曰

闔閭勝楚
 入厥宮室
 盡妻後宮
 莫不戰慄
 伯嚭自守
 堅固專一
 君子美之
 以為有節

十 楚昭貞姜

貞姜者齊侯之女楚昭王之夫人也王出遊留夫人
漸臺之上而去王聞江水大至使使者迎夫人忘持
其符使者至請夫人出夫人曰王與官人約令召官
人必以符今使者不持符妾不敢從使者行使者曰
今水方大至還而取符則恐後矣夫人曰妾聞之貞
女之義不犯約勇者不畏死守節而已妾知從使
者必生留必死然棄約越義而求生不若留而死耳
于是使者取符則水大至臺崩夫人流而死王曰嗟
夫守義死節不為苟生處約持信以成其貞乃號之

曰貞姜君子謂貞姜有婦節詩云淑人君子其儀不
忒此之謂也

頌曰

楚昭出遊 留姜漸臺 江水大至 無符不來
夫人守節 流死不疑 君子序焉 上配白姬



十一 楚白貞姬

貞姬者楚白公勝之妻也白公死其妻紡績不嫁吳王聞其美且有行使大夫持金百鎰白辭一雙以聘焉以輜駟三十乘迎之將以為夫人致幣白妻辭之曰白公生之時妾幸得充後宮執箕箒掌衣履拂枕席託為妃匹白公不幸而死妾願守其墳墓以終天年今王賜金辭之聘夫人之位非愚妻之所聞也且夫棄義從欲者污也見利忘死者貪也夫貪污之人王何以為我妾聞之忠臣不借人以力貞女不假人以色豈獨事生若此哉于死者亦然妾既不仁不能

從死今又去而嫁不亦太甚乎遂辭聘而不行吳王
 賢其守節有義號曰貞姬楚君子謂貞姬廉潔而誠
 信夫任重而道遠仁以為己任不亦重乎死而後已
 不亦遠乎詩云彼美孟姜德音不忘此之謂也

頌曰

白公之妻 守寡紡績 吳王美之 聘以金錡
 妻操固行 雖死不易 君子大之 美其嘉績



十一 衛宗二順

衛宗二順者衛宗室靈王之夫人而及其傳妾也秦
滅衛君乃封靈王世家使奉其祀靈王死夫人無子
而守寡傳妾有子傳妾事夫人八年不衰供養愈謹
夫人謂傳妾曰孺子養我甚謹子奉祀而妾事我
不聊也且吾聞主君之母不妾事人今我無子于禮
斥絀之人也而得留以盡其節是我幸也今又煩孺
子不改故節我甚內慙吾願出居外以時相見我甚
便之傳妾泣而對曰夫人欲使靈氏受三不祥耶不
幸早終是一不祥也夫人無子而婢妾有子是二不

祥也夫人欲出居外使婢子居內是三不祥也妾聞
忠臣下君無怠倦時孝子養親患無日也妾豈敢以
小貴之故變妾之節哉供養固妾之職也夫人又何
勤乎夫人曰無子之人而辱主君之母雖子欲爾衆
人謂我不知禮也吾終願居外而已傳妾退而謂其
子曰吾聞君子處順奉上下之儀脩先古之禮此順
道也今夫人難我將欲居外使我居內此逆也處逆
而生豈若守順而死哉遂欲自殺其子泣而守之不
聽夫人聞之懼遂許傳妾留終年供養不衰君子曰
二女相讓亦誠君子可謂行成于內而名立于夫世

矣詩云我心匪石不可轉也此之謂也

頌曰

衛宗二順
夫人慙辭

執行咸固
請求出舍

妻子雖代
終不肯聽

供養如故
禮甚有度



十三 魯寡陶嬰

陶嬰者魯陶門之女也。少寡，養幼孤，無強昆弟紡織，
為產。魯人或聞其羨，將求焉。嬰聞之，恐不得免，作歌。
明已之不更二也。其歌曰：黃鵠之早寡，子七年不雙。
鶴頸獨宿，子不與衆同。夜半悲鳴，想其故雄。天命早
寡，子獨宿。何傷寡婦？念此子泣，下數行。嗚呼！我若死
者，不可忘。飛鳥尚然，况于貞良？雖有賢匹，終不
重行。魯人聞之，曰：斯女不可得也。遂不敢復求。嬰寡
終身不改。君子謂陶嬰貞，而思詩云：心之憂矣，我
歌且謠。此之謂也。

頌曰

陶嬰少寡，紡績養子。或歌取焉，乃自修理。
作歌自明，求者乃止。君子稱揚，以為女紀。

十四 梁寡高行


高行者梁之寡婦也其為人榮于色而美于行夫死
早寡不嫁梁貴人多爭欲娶之者不能得梁王聞之
使相聘焉高行曰妾夫不幸早死先狗馬填溝壑妾
守養其孤幼曾不得專意貴人多求妾者幸而得免
今王又重之妾聞婦人之義一往而不改以全貞信
之節念志死而趨生是不信也貴而志賤是不貞也
棄義而從利無以為人乃援鏡持刀以割其鼻曰妾
已刑矣所以不死者不忍幼弱之重孤也王之求妾
者以其色也今刑餘之人殆可釋矣于是相以報王



大其^高行^乃復其^身尊其^號曰高行君子謂高
行節禮專精詩云謂予不信有如皎日此之謂也

頌曰


高行處梁 貞專精純 不貪行貴 務在信
不受梁聘 剗鼻刑身 君子高之 顯示後人



十五 陳寡孝婦

孝婦者陳之少寡婦也年十六而嫁未有子其夫當
行戍夫且行時囑孝婦曰我生死未可知幸有老母
無他兄弟備吾不還汝肯養吾母乎婦應曰諾夫果
死不還婦養姑不衰慈愛愈固紡績以為家業終無
嫁意居喪三年其父母哀其年少無子而早寡也將
取而嫁之孝婦曰妾聞之信者人之幹也義者行之
節也妾幸得離襁褓受嚴命而事夫夫且行時屬妾
以其老母既許諾之夫受人之託豈可棄我垂託不
信背死不義不可也母曰吾憐女少年早寡也孝婦

曰妾聞寧載于義而死不載于地而生且夫養人者
母而不能率許人以諾而不能信將何以立于世夫
為人婦固養其舅姑者也夫不幸先死不得盡為人
子之禮今又使妾去之莫養老母是明夫之不肖而
着妾之不孝不孝不信且無義何以生哉因歎自殺
其父母懼而不敢嫁也遂使養其姑二十八年姑死
葬之終奉祭祀淮陽太守以聞漢孝文皇帝高其義
貴其信義其行使者賜之黃金四十斤復之終身
號曰孝婦君子謂孝婦備于婦道詩云匪直也人
心塞淵此之謂也



新刻古列女傳卷之四終

頌曰

孝婦處陳 夫死無子 母將嫁之 終不聽母
 專心養姑 門鵲不改 聖王嘉之 號曰孝婦

新刻古列女傳卷之五

漢 光祿大夫劉向子政 撰
明 錢唐後學胡文煥德甫校

節義傳


魯孝義保

孝義保者魯孝公稱之保母臧氏之寡也初孝公父武公與其二子長子括中子戲朝周宣王宣王立戲為魯太子武公薨戲立是為懿公孝公時號公子稱景少義保與其子俱入宮養公子稱括之子伯御與魯人作亂攻殺懿公而自立求公子稱于宮將殺之

義保聞伯御將殺稱乃衣其子以稱之衣卧于稱之處伯御殺之義保遂抱稱以出遇稱舅魯大夫于外舅問稱死乎義保曰不死在此舅曰何以得免義保曰以吾子代之義保遂以逃十一年魯大夫皆知稱之在保于是請周天子殺伯御立稱是為孝公魯人高之論語曰可以託六尺之孤其義保之謂也

頌曰

伯御作亂 由魯宮起 孝公乳保 臧氏之母
逃匿孝公 易以其子 保母若斯 亦誠足恃



二 楚成鄭瞽

鄭瞽者鄭女之嬴媵楚成王之夫人也初成王登臺臨後宮人皆傾觀子瞽直行不顧徐步不變王曰行者顧子瞽不顧王曰顧吾以女為夫人子瞽復不顧王曰顧吾又與女千金而封若父兄子瞽遂不顧于是王下臺而問曰夫人重位也封爵厚祿也一顧可以得之可得而遂不顧何也子瞽曰妾聞婦人以端正和顏為容今者大王在臺上而妾顧則是失儀節也不顧告以夫人之尊示以封爵之重而後顧則是妾貪貴樂利以忘義理也苟忘義理何以事王

曰善遂立以為夫人處期年王將立公子商臣以為太子王問之于令尹子上子上曰君之齒未也而又多寵子既置而黜之必為亂矣且其人蠱目而豺聲忍人也不可立也王退而問于夫人子胥曰令尹之言信可從也王不聽遂立之其後商臣以子上救蔡之事譖子上而殺之子胥謂其保曰吾聞婦人之事在于饋食之間而已雖然心之所見吾不能蔽夫昔者子上言太子之不可立也太子怨之譖而殺之王不明察遂辜無罪是白黑顛倒上下錯謬也王多寵子皆欲得國太子貪忍恐失其所王又不明無以照

之庶嫡分爭禍必興焉後王又欲立公子職商臣庶弟也子胥退而與其保言曰吾聞信不見疑今者王必將以職易太子吾懼禍亂之作也而言之于王王不應其以太子為非吾子疑吾譖之者乎夫見疑而生衆人孰知其不然與其無義而生不如死以明之且王聞吾死必寤太子之不可釋也遂自殺保母以其言通于王是時太子知王之欲廢之也遂與師作亂圍王宮王請食熊蹯而死不可得也遂自經君子曰非至仁孰能以身試詩曰舍命不渝此之謂也

頌曰



卷

五

子_テ瞽_カ先_ニ識_ス
 執_テ節_ヲ有_リ常_ニ
 興_テ于_テ不_レ顧_リ
 卒_ニ配_ス成_王
 知_テ商_カ臣_カ亂_ラ
 言_フ之_ヲ甚_ク強_シ
 自_ニ嬖_レ非_レ子_ニ
 以_テ殺_ス身_ヲ盟_フ


二 晉圍懷嬴

懷嬴者秦穆公之女晉惠公太子之妃也圍質于秦
穆公以嬴妻之六年圍將逃歸謂嬴氏曰吾去國數
年子父之接忘而秦晉之友不加親也夫鳥飛反鄉
狐死首丘我其首晉而死子其與我行乎嬴氏對曰
子晉太子也辱于秦子之欲去不亦宜乎雖然寡君
使婢子侍執中櫛以固子也今吾不足以結子是吾
不肯也從子而歸是棄君也言子之謀是負妻之義
也三者無一可行雖吾不從子也子行矣吾不敢泄
言亦不敢從也子圍遂逃歸君子謂懷嬴善處夫婦

之間

頌曰

晉圍質秦 配以懷嬴 圍將與逃 嬴不肯聽
亦不泄言 操心甚平 不告所從 無所阿傾



四 楚昭越姬

楚昭越姬者越王勾踐之女楚昭王之姬也昭王燕
 遊蔡姬在左越姬參右王親乘駟以馳逐遂登附社
 之臺以望雲旁之圃觀士大夫逐者既驩乃願謂二
 姬曰樂乎蔡姬對曰樂王曰吾願與子生若此死又
 若此蔡姬曰昔敝邑寡君固以衆黎民之役事君王
 之馬足故一婢子之身為芑苴玩好今乃比于妃嬪
 固願生俱樂死同時王願謂史書之蔡姬詐從孤死
 矣乃復謂越姬越姬對曰樂則樂矣然而不可久也
 王曰吾願與子生若此死若此其不可得乎越姬對


曰昔者吾先君莊王淫樂三年不聽政事終而能改
卒霸天下妾以君王為能法吾先君將改斯樂而勤
於政也今則不然而要婢子以死其可得乎且君王
以束帛乘馬取婢子于弊邑寡君受之太廟也不約
死妾聞之諸姑婦人以死彰君之善益君之寵不聞
其以苟從其闇死為榮妾不敢聞命于是王寤敬越
姬之言而猶親嬖蔡姬也居二十五年王救陳越姬
從王病在軍中有赤雲夾曰如飛鳥王問周史史曰
是害王身然可移移于將相將相聞之將請以身禱
于神王曰將相之於孤猶股肱也今移禍焉庸為去

是身乎不聽越姬曰大哉君王之德以是妾願從王
矣昔日之遊燕樂也是以不敢許及君王復于禮國
人皆將為君王死而况于妾乎請願先驅狐狸于地
下王曰昔之遊樂吾戲耳若將必死是彰孤之不德
也越姬曰昔者妾雖口不言心既許之矣妾聞信者
不負其心義者不虛設其事妾死王之義不死王之
好也遂自殺王病甚讓位于三弟三弟不聽王薨于
軍中蔡姬竟不能死王弟子間與子西子期謀曰毋
信者其子必仁乃伏師閉壁迎越姬之子熊章立是
為惠王然後罷兵歸葬昭王君子謂越姬信能死義

詩曰德音莫違及爾同死越姬之謂也

頌曰

楚昭遊樂 要姫從死 蔡姫許王 越姫執禮
終獨死節 群臣嘉美 維斯而姫 其德不比



五 盖将之妻

盖之偏将丘子之妻也戎伐盖殺其君令于盖群臣曰敢有自殺者妻子盡誅丘子自殺人救之不得死既歸其妻謂之曰吾聞將節勇而不果生故士民盡力而不畏死是以戰勝攻取故能存國安君夫戰而忘勇非孝也君亡不死非忠也今軍敗君死子獨何生忠孝忘于身何忍以歸丘子曰盖小戎大吾力畢能盡君不幸而死吾固自殺也以救故不得死其妻曰曩曰有救今又何也丘子曰吾非愛身也戎令曰自殺者誅及妻子是以不死死又何益于君其妻曰

吾聞之主憂臣辱主辱臣死今君死而子不死可謂義乎多殺士民不能存國而自活可謂仁乎憂妻子而忘仁義背故君而事強暴可謂忠乎人無忠臣之道行義之行可謂賢乎周書曰先君而後臣先父母而後兄弟先兄弟而後交友先交友而後妻子妻子私愛也事君公義也今子以妻子之故失个臣之節無事君之禮棄忠臣之公道營妻子之私愛偷生苟活妾等恥之况于子乎吾不能與子蒙恥而生焉遂自殺戎君賢之祠以大牢而以將禮葬之賜其弟金百鎰以為卿而使別治盖君子謂盖将之妻潔而好

義詩曰淑人君子其德不回此之謂也

頌曰

蓋將之妻 據節銳情 戊既滅蓋 年子獨生
 妻取不死 陳設五榮 為夫先死 卒遺顯名



六 魯羨姑姊

魯羨姑姊者魯野之婦人也齊攻魯至郊望見一婦人抱一兒携一兒而行軍且及之棄其匹抱其匹携而走山兒隨而啼婦人遂行不顧齊將問兒曰走者爾母耶曰是也母匹抱者誰也曰不知也齊將乃追之軍士引弓將射之曰止不止吾將射爾婦人乃還齊將問匹抱者誰也匹棄者誰也對曰匹抱者妾兄之子也匹棄者妾之子也見軍之至力不能兩護故棄妾之子齊將曰子之于母其親愛也痛甚于心今釋之而反抱兄之子何也婦人曰已亡子私愛也

兄之子公羨也夫背公羨而嚮私愛亡兄子而存妾子幸而得幸則魯君不吾畜大夫不吾養庶民國人不吾與也夫如是則疊肩無所容而累足無所履也子雖痛乎獨謂羨何故忍棄子而行羨不能無羨而視魯國于是齊將按兵而止使人言于齊君曰魯未可伐也乃至境山澤之婦人耳猶知持節行羨不以私害公而况于朝臣士大夫乎請還齊君許之魯君聞之賜婦人束帛百端號曰義姑姊公正誠信果于行羨夫羨其大哉雖在匹婦國猶賴之况以禮義治國乎詩云有覺德行四國順之此之謂也



頌曰

齊君攻魯

萊姑有節

見軍走山

棄子抱姪

賢其推理

號婦為萊

齊兵遂止


七 代趙夫人

代趙夫人者趙簡子之女襄子之姊代王之夫人也
簡子既葬襄子未除服馳登夏屋誘代王使厨人持
斗以食代王及從者行斟陰令宰人各以一斗擊殺
代王及從者因舉兵平代地而迎其姊趙夫人夫人
曰吾受先君之命事代王今十有餘年矣代無大故
而主君殘之今代已亡吾將奚歸且吾聞之婦人執
義無二夫吾豈有二夫哉歆迎我何之以弟慢夫非
義也以夫怨弟非仁也吾不敢怨然亦不歸遂泣而
呼天自殺于磨笄之地代人皆懷之君子謂趙夫人

善處夫婦之間詩云不僭不賊鮮不為則此之謂也

頌曰

惟趙襄子 代夫人弟 嚴滅代王 迎取其姊
姊引義理 稱說節禮 不歸不怨 遂留野死



八 齊義繼母

齊義繼母者齊二子之母也當宣王時有人聞死于道者吏訊之被一創二子兄弟立其傍吏問之兄曰我殺之弟曰非兄也乃我殺之期年吏不能決言之于相相不能決言之于王王曰今皆赦之是縱有罪也皆殺之是誅無辜也寡人度其母能知子善惡試問其母聽其所欲殺活相召其母問之曰母之子殺人兄弟欲相代死吏不能決言之于王王有仁惠故問母何所欲殺活其母泣而對曰殺其少者相受其言因而問之曰夫少子者人之所愛也今欲殺之何

也其母對曰少者妾之子也長者前妻之子也其父
疾且死之時屬之于妾曰善養視之妾曰諾今既受
人之託許人以諾豈可以忘人之託而不信其諾耶
且殺兄活弟是以私愛廢公義也背言忘信是欺死
者也夫言不約束已諾不分何以居于世哉子雖痛
乎獨謂行何泣下沾襟相入言于王王美其義高其
行皆赦不殺而尊其母號曰義母君子謂義母信而
好義潔而有讓詩曰惇悌君子四方為則此之謂也

頌曰

義繼信誠

公正知禮

親假有罪

相讓不已

吏不能決

王以問母

據信行義

卒免二子

九 魯秋潔婦

潔婦者魯秋胡子妻也既納之五日去而官于陳五年乃歸未至家見路傍婦人採桑秋胡子悅之下車謂曰若曝採桑吾行道遠願託桑蔭下食下齋休焉婦人採桑不輟秋胡子謂曰力田不如逢豐年力桑不如見國卿吾有金願以與夫人婦人曰嘻夫採桑力作紡績織紉以供衣食奉二親養夫子吾不願金所願卿無有外意妾亦無淫佚之志叔子之齋與筭金秋胡子遂去至家奉金遺母使人喚婦至乃向採桑者也秋胡子慙婦曰子束髮辭親往仕五年乃還



當_レ巫_レ悅_レ馳_レ驟_レ揚_レ塵_レ疾_レ至_レ今_レ也_レ乃_レ悅_レ路_レ傍_レ婦_レ人_レ下_レ子_レ之_レ
糧_レ以_レ金_レ予_レ之_レ是_レ忘_レ母_レ也_レ忘_レ母_レ不_レ孝_レ好_レ色_レ淫_レ佚_レ是_レ汚_レ行_レ
也_レ汚_レ行_レ不_レ義_レ夫_レ事_レ親_レ不_レ孝_レ則_レ事_レ君_レ不_レ忠_レ處_レ家_レ不_レ義_レ則_レ
治_レ官_レ不_レ理_レ孝_レ義_レ並_レ忘_レ必_レ不_レ遂_レ矣_レ妾_レ不_レ忍_レ見_レ子_レ改_レ娶_レ矣_レ
妾_レ亦_レ不_レ嫁_レ遂_レ去_レ而_レ東_レ造_レ棧_レ河_レ而_レ死_レ君子_レ曰_レ潔_レ婦_レ精_レ于_レ
善_レ夫_レ不_レ孝_レ莫_レ天_レ于_レ不_レ愛_レ其_レ親_レ而_レ愛_レ其_レ人_レ秋_レ胡_レ子_レ有_レ之_レ
矣_レ君子_レ曰_レ見_レ善_レ如_レ不_レ及_レ見_レ不_レ善_レ如_レ探_レ湯_レ秋_レ胡_レ子_レ婦_レ之_レ
謂_レ也_レ詩_レ云_レ惟_レ是_レ褊_レ心_レ是_レ以_レ為_レ刺_レ此_レ之_レ謂_レ也

頌曰

秋胡西仕

五年乃歸

遇妻不識

心有淫思

妻執無三


歸而相知

恥夫無義

遂東赴河

十 周主忠妾

周主忠妾者周大夫妻之媵妾也大夫號主父自衛
仕于周二年且歸其妻淫于鄰人恐主父覺其淫者
憂之妻曰無憂也吾為毒酒封以待之矣三日主父
至其妻曰吾為子勞封酒相待使媵婢取酒而進之
媵婢心知其毒酒也計念進之則殺主父不義言之
又殺主母不忠猶與因陽僵覆酒主大怒而答之既
已妻恐媵婢言之因以他過答殺之媵婢將死終
不言主父弟聞其事具以告主父主父驚乃免媵婢
而答殺其妻使人陰問媵婢曰汝知其事何以不言



而反幾死乎媵婢曰殺主以自生又有辱主之名吾死則死耳豈言之哉主父高其義貴其意將納以為妻媵婢辭曰主辱而死而妾獨生是無禮也代主之處是逆禮也無禮逆禮有一猶愈今盡有之難以生矣欲自殺主聞之乃厚幣而嫁之四鄰爭娶之君子謂忠妻為仁厚夫名無細而不聞行無隱而不彰詩云無言不酬無德不報此之謂也

頌曰

周主忠妾 慈惠有序 主妻淫僻 藥酒毒主
使妾奉進 僵以除賊 忠全其主 終蒙其福



十一 魏節乳母


魏節乳母者魏公子之乳母秦攻魏破之殺魏主瑕
誅諸公子而一公子不得令魏國曰得公子者賜金
千鎰匿之者罪至夷節乳母與公子俱逃魏之故臣
見乳母而識之曰乳母無恙乎乳母曰嗟乎吾柰公
子何故臣曰今公子安在吾聞秦令者有能得公子
者賜金千鎰匿之者罪至夷乳母僮言之則可以得
千金知而不言則昆弟無類矣乳母曰吁我不知公
子之處故臣曰我聞公子與乳母俱逃母曰吾雖知
之亦終不可以言故臣曰今魏國亦破亡族已滅子

匿之尚誰為乎母吁而言曰夫見利而反上者迷也
畏死而棄義者亂也今持逆亂而以求利吾不為也
且夫凡為人養子者務生之非為殺之也豈可利賞
畏誅之故廢正義而行逆節哉妾不能生而冷公子
擒也遂抱公子逃于深澤之中故臣以告秦軍秦軍
追見爭射之乳母以身為公子蔽夫著身者數十與
公子俱死秦王聞之貴其守志死義乃以卿禮葬之
祠以太牢寵其兄為五大夫賜金百鎰君子謂節乳
母慈惠敦厚重義輕財禮為孺子室于宮擇諸母及
阿者必求其寬仁慈惠温良恭敬慎而寡言者使為

子師次為慈母次為保母皆居子室以養金之他人
 無事不得往夫慈故能愛乳狗搏人休鷄搏狸恩出
 于中心也詩云行有死人尚或瑾之此之謂也

頌曰

秦既滅魏 購其子孫 公子乳母 與俱遁逃
 守節執事 不為利違 遂死不顧 名號顯遺



十二 梁節姑姊


梁節姑姊者梁之婦人也因失火兄子與其已子在火中欲取兄子輒得其子獨不得兄子火盛不得復入婦人將自趣火其人止之曰子本欲取兄之子惶恐卒悞得爾子中心謂何何至自赴火婦人曰梁國豈可戶告人曉也被不義之名何面目以見兄弟國人哉吾欲復投吾子為失母之恩吾勢不可以生遂赴火而死君子謂節姑姊潔而不污詩曰彼其之子舍命不渝此之謂也

頌曰

梁節姑姊 據象執理 子姪同內 火大發赴
歆出其姪 輒得厥子 火盛自投 明不私已

十三 珠崖二義

二義者珠崖令之後妻及前妻之女也女名初年十三
三珠崖多珠繼母連大珠以為繫臂及令死當送喪
法內珠入于關者死繼母棄其繫臂珠其子男年九
歲好而取之置之母鏡奩中皆莫之知遂春喪歸至
海關候士吏搜索得珠十枚于繼母鏡奩中吏曰
嘻此值法無可奈何誰當坐者初在左右顧心恐母
云置鏡奩中乃曰初當坐之吏曰其狀何如對曰君
不幸夫人解繫臂棄之初心惜之取而置夫人鏡奩
中夫人不知也繼母聞之遽疾行問初二曰夫人所




棄珠初復取之置夫人奩中初當坐之母意亦以初為實然憐之乃因謂吏曰願且待幸無效兒誠不知也此珠妾之繫臂也君不幸妾解去之而置奩中迫奉喪道遠與弱小俱忽然忘之妾當坐之初固曰實初取之繼母又曰兒但讓耳實妾取之因涕泣不能自禁女亦曰夫人哀初之孤欲強活初身夫人實不知也又因哭泣泣下交頤送葬者盡哭哀慟傍人莫不為酸鼻揮涕關吏執筆書劾不能就一字關候垂泣終日不能忍決乃曰母子有義如此吾寧坐之不忍加文且又相讓安知孰是遂棄珠而遺之既去

後乃知男獨取之也君子謂二義慈孝論語曰父為子隱子為父隱直在其中矣若繼母與假女推讓至死哀感傍人可謂直耳


頌曰

珠崖夫人 甚有母恩 假繼相讓 維女亦賢
納珠于關 各有休德 二義如此 為世所傳



十四 邵陽友姊

友姊者邵陽邑任延壽之妻也字季兒有三子季兒
 兄季宗與延壽爭葬父事延壽與其友甲建陰殺季
 宗建獨坐死壽會赦乃以告季兒季兒曰嘻獨今乃
 語我乎遂振衣欲去問曰所與共殺吾兄者為誰延
 壽曰甲建甲建已死獨我當坐之汝殺我而已季兒
 曰殺夫不義事兄之讐亦不義延壽曰吾不敢置汝
 願以車馬及家中財物盡以送汝聽汝所之季兒曰
 吾嘗安之兄死而讐不執與子同枕席而使殺吾兄
 內不能和夫家又縱兄之讐何面目以生而戴天復



地乎延壽慙而去不敢見季兒季兒乃告其太女曰
 汝父殺吾兄豕不可以留又終不復嫁矣吾去汝而
 死善視汝兩弟遂以身自經而死馮翊平讓聞之大
 其家令縣復其三子而表其墓君子謂友姊善復兄
 讐詩曰不僭不賊鮮不為則季兒可以為則矣

頌曰

季兒樹豕 夫殺其兄 欲復兄讐 豕不可行
 不留不去 遂以自殃 馮翊表墓 嘉其豕明

十五 京師節女

京師節女者長安太昌里人之妻也其夫有讐人欲報其夫而無道徑聞其妻之行孝有親乃劫其妻之父使要其女為中譎父呼其女告之女計念不聽之則殺父不孝聽之則殺夫不義不孝不義雖生不可以行于世歎以身當之乃且許諾曰早日在樓上新沐東首卧則是矣妾請開戶牖待之還其家乃告其夫使卧他所因自沐居樓上東首開戶牖而卧夜半讐家果至斷頭持去明而視之乃其妻之頭也讐人哀痛之以為有義遂釋不殺其夫君子謂節女行孝

厚於恩義也夫重仁義輕死亡行之高者也論語曰君子殺身以成仁無求生以害仁此之謂也

頌曰

京師節女 夫讐劫父 要女問之 一不敢不許
期處既成 乃易其所 殺身成仁 義冠天下

新刻古列女傳卷之五終



